



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

IV. Christo Jesu addicitur Zach. 9. 11, 12.

urn:nbn:de:hbz:466:1-16260

testamenti tui emisisti vinculos tuos de lacu, in quo non est aqua. Convertimini ad munitionem vinculi spei; hodie quoque annuntians duplicita reddam tibi.

I. Christo Jesu addicitur Psalm. 67. 5, 7, 19. II. Christo Jesu addicitur Isa. 53. 12. III. Exponitur priscorum Judaeorum sententia de Ose. 13. 14. IV. Christo Jesu addicitur Zach. 9. 11, 12.

I. **I**N Christo Jesu finem habuisse prophetiam, quam è Psalmo sexagesimo septimo hic deprimimus, testificatur Paulus in Epistola ad Ephesios, cujus verba quoque recitamus. His autem prædictum fuisse declarat descensum Jesu in inferiores partes terræ, quas Inferna loca, & Inferos appellamus; ascensum ejus in cælum, & donorum Spiritus sancti erogationem. Atqui vaticinio hoc in suam sententiam abuti haudquaquam fuisset ausus, nisi in Messia eventum ejus communi Judæorum consensione expectari scisset. Quod iterum iterumque monui. Itaque prisci Judæi in Schemoth Rabba, aliisque vetustis monumentis Messia applicant isthæc indidem petita: *Venient legati ex Aegypto. Nos quoque paulo superius in Apostolis & Discipulis Christi completa hæc ostendimus: In ecclesiis benedicite Deo Domino de fontibus Israël, & quæ iis subnexa sunt.*

Christo Jesu addicitur Psalm. 67. 5, 7, 19.

Psalm. 67. 11. Psalm. 67. 47. & seq.

II. Ad aliud vero testimonium, ex Isaia quinqueagesimo tertio capite petitur quod attingit, satis jam superque probavimus totum id Messiam prænuntiare. Hoc vero commate Patriarcharum liberationem ex inferis signari vincimus his argumentis. Dico primum eorum animos qui mortem effugerunt, spolia in Codicibus sacris appellari. Jeremias non semel: *Sed erit tibi anima tua כְּחֵץ, in spoliis.* Meminerimus præterea Isaia octavo capite nomen hoc Messia inditum esse: *Accelera spolia detrahere, festina prædari:* suis enim locis à me probatum est ad Messiam istud spectare. Fortes à Messia spoliati quinam sint, docet nos Apostolus in Epistola ad Colossenses: *Et expolians Principatus & Potestates traduxit considerenter, palam triumphans illos in semetipso.* Potestates appellat, & in Epistola ad Ephesios: *Principes mundi rectores rebrarum harum,* quos Isaia fortis appellaverat. Mortis quoque & Orci fortitudo prædicatur in Cantico: *Fortis est ut mors dilectio, dura sicut infernus emulatio.* Et in Psalmis: *Quis est homo qui vivet & non videbit mortem, eruet animam suam de manu inferi?* Ex his colligere promtum est spolia illa fortium, quæ dividenda prædicat Isaia, animos esse ex inferis locis à Christo Jesu educos, & in cælum evectos, tum & animos vivorum hominum, laqueis peccatorum & Dæmonum tyrannide exemptos; atque eos etiam qui corpora sua subiere rursum, postquam mortem per tulit Christus. Profecto in veteri Judæorum libro Siphre, & in Gemara libri Sotah, torquentur hæc ad allegoriam, verum nullis subnixam rationibus, & quam Aben Ezra refellit; cum nos nostram Scripturæ consensu tueamur. Parata ergo nobis est ad explodendum Abrabanielem ratio, qui quod bella non gesserit Jesus Dominus, minime hæc in eum quadrare contendit; quasi *אֵלֶּיךָ לֵאמֹר* sumenda sint; quod ne à suis quidem factum congerronibus scire debuit.

Christo Jesu addicitur Isa. 55. 12.

Jerem. 59. 13. & 45. 5. Isa. 8. 1, 3.

Col. 2. 15.

Eph. 6. 12.

Cant. 8. 6.

Psalm. 88. 49.

III. De Osee oraculo, quod è decimo tertio capite excerptimus, tantum hoc dicam, sic illud intelligi & explicari in Beresith Rabba R. Mosis Hadarfan, quem admodum hic à nobis intelligitur. Quo loco quoniam doctrina de Messia descensu ad inferos & captivorum liberatione, nostræ doctrinæ perfimilis continetur, utile fuerit totum exponere. Ait R. Josue ben Levi, se Messia filio Davidis comitatum, abiisse cum Kippod, Angelo mortis, Gehennæ præfecto, quoad ad portas Gehennæ perventum est: captivos autem illuc detruos, viso Messia lumine, summis eum cepisse latitiis, sperantes futurum, ut ab eo tantis tenebris eximerentur, juxta hoc effatum Osee: *De manu mortis liberabo eos, de morte redimam eos:* & illud Isaia: *Et redempti à Domino convertentur, & venient in Sion cum laude & lætitia sempiterna super caput eorum: gaudium & lætitiâ obtinebunt, & fugiet dolor & gemitus:* Sion autem Paradisum illic significare. Tum paulo post addit septem nominibus appellari Gehennam, quorum primum est, שאול, hoc est, *orcus*, & אֵדֶנֶס: deinde גֵּהֶנְנוֹם, Gehenna: *puteus perditionis:* דּוּמָה, *silentium:* טוֹט הַיּוֹן, *lutum cani:* עַלְמוֹת, *umbra mortis:* אֶרֶץ הַתְּהוֹמוֹת, *terra inferior.* Ex quibus nominibus noscitur quomodo pleraque Scripturæ sanctæ ἰστορίαι intellexerint veteres Judæi.

Exponitur priscorum Judæorum sententia de Ose. 13. 14.

Ose. 13. 14. Isa. 35. 10.

IV. Postremo cum in Propositione septima demonstraverim, nonum comma ac decimum capituli noni Zachariæ ad Messiam esse referenda, ne Judæis quidem dissentientibus; eademque in Jesu evenisse, juxta Evangelistarum testimonia; plane conse-

Christo Jesu addicitur Zach. 9. 11, 12.

Clarium est undecimum quoque ac duodecimum comma, una ferie prioribus connecta, in Christo Jesu fuisse completa.

CAPUT CXLII.

Jesús revivificit.

PSALM. 3. 6. Ego dormivi, & seporatus sum, & exurrexi, quia Dominus suscepit me.

Psalm. 15. 9, & seq. Propter hoc letatum est cor meum, & exultavit lingua mea: insuper & caro mea requiescet in spe. Quoniam non derelinques animam meam in inferno, nec dabis Sanctum tuum videre corruptionem. Notas mihi fecisti vias vita, adimplebis me letitia cum vultu tuo; delectationes in dextera tua usque in finem.

Psalm. 29. 1, & seq. Exaltabo te, Domine, quoniam suscepisti me, nec delectasti inimicos meos super me. Domine Deus meus, clamavi ad te, & sanasti me. Domine, eduxisti ab inferno animam meam; salvasti me à descendentibus in lacum.

Psalm. 40. 9, & seq. Verbum iniquum constituerunt adversum me. Numquid qui dormit, non adjiciet ut resurgat? Etenim homo pacis mee, in quo speravi, qui edebat panes meos, magnificavit super me plantationem. Tu autem Domine, miserere mei, & resuscita me, & retribuam eis.

Psalm. 48. 16. Verumtamen Deus redimet animam meam de manu inferni, cum accipiet me.

Psalm. 55. 12, 13. In me sunt Deus vota tua, quae reddam laudationes tibi: quoniam eripuisti animam meam de morte, & pedes meos de lapsu.

Psalm. 70. 20. Quantas ostendisti mihi tribulationes multas & malas, & conversus vivificasti me, & de abyssis terra iterum reduxisti me!

Psalm. 87. 5. Estimatus sum cum descendentibus in lacum, factus sum sicut homo sine adjutorio, inter mortuos liber.

Psalm. 114. 3, & seq. Circumdederunt me dolores mortis, & pericula inferni invenerunt me. . . . Convertere anima mea in requiem tuam, quia Dominus benefecit tibi: quia eripuit animam meam de morte, oculos meos à lapsu.

Psalm. 141. 7, 8. Intende ad deprecationem meam, quia humiliatus sum nimis. Libera me à persequentibus me, quia confortati sunt super me. Educ de custodia animam meam, ad confitendum nomini tuo: me expectant iusti, donec retribuas mihi.

Psalm. 142. 11, 12. Spiritus tuus bonus deducet me in terram rectam, propter nomen tuum, Domine, vivificabis me in aequitate tua. Educes de tribulatione animam meam, & in misericordia disperdes inimicos meos,

MATTH. 12. 39, 40. Qui respondens ait illis, Generatio mala & adultera signum quarit, & signum non dabitur ei, nisi signum Jona propheta. Sicut enim fuit Jona in ventre ceti tribus diebus & tribus noctibus, sic erit Filius hominis in corde terra tribus diebus & tribus noctibus. Et Matth. 16. 4. Luc. 11. 29.

Matth. 16. 21. Exinde capit Jesus ostendere Discipulis suis, quia oporteret eum ire Ierosolymam, & multa pati à Senioribus, & Scribis, & Principibus Sacerdotum, & occidi, & tertia die resurgere. Et Matth. 17. 9, 22. & 20. 17, & seq. Marc. 8. 31. & 9. 8, & seq. & 10. 34. Luc. 9. 22. & 18. 31, & seq.

Matth. 26. 32. Postquam autem resurrexero, precedam vos in Galileam. Et Marc. 14. 28.

Matth. 27. 52, 53. Et multa corpora Sanctorum qui dormierant, surrexerunt: & exeuntes de monumentis post resurrectionem ejus, venerunt in sanctam Civitatem.

Matth. 27. 62, & seq. Altera autem die, quae erat post Parasceven, convenerunt Principes Sacerdotum & Pharisei ad Pilatum, dicentes, Domine, recordati sumus, quia seductor ille dixit adhuc vivens, Post tres dies resurgam. Jube ergo custodiri sepulcrum usque in diem tertium: ne forte veniant Discipuli ejus, & furentur eum, & dicant plebi, Surrexit à mortuis: & erit novissimus error pejor priore.

Matth. 28. 5, & seq. Respondens autem Angelus dixit mulieribus, Nolite timere, vos, scio enim quod Jesum qui crucifixus est queritis: non est hic; surrexit enim, sicut dixit. Venite, & videte locum, ubi positus erat Dominus. Et cito euntes dicite Discipulis ejus quia surrexit, & ecce precedet vos in Galileam: ibi eum videbitis; ecce praedixi vobis. Et exierunt cito de monumento cum timore & gaudio magno, currentes nuntiare Discipulis ejus. Et ecce Jesus occurrit illis, dicens, Ave. Ille autem accesserunt, & tenuerunt pedes ejus, & adoraverunt eum. Et Marc. 16. 5, & seq. Luc. 24. 5, & seq.

Luc. 24. 45, 46. Tunc apernit illis sensum, ut intelligerent Scripturas, & dixit eis, Quoniam sic scriptum est, & sic oportebat Christum pati, & resurgere à mortuis tertia die.

Joh. 2. 19, & seq. Respondit Jesus, & dixit eis, Solvite templum hoc, & in tribus diebus excitabo illud. Dixerunt ergo Judaei, Quadraginta & sex annis aedificatum est Templum hoc,